



Bosna i Hercegovina
Federacija Bosne i Hercegovine
Federalno tužilaštvo
Federacije Bosne i Hercegovine

Broj: T11 0 KTA 000 3614 20 2
Sarajevo, 24.12.2020. godine
DS

UDRUŽENJE "EKO FORUM" ZENICA
ul. Talića brdo 11
n/r predjednika
gosp. Alibegović Zlatan
ZENICA

Poštovani,

U kaznenom predmetu protiv **osumnjičenog pravnog lica "Arcelor Mittal" doo Zenica i drugih**, zbog kaznenog djela Onečišćenje okoliša iz čl.303 st.1 KZ FBiH i ostalih kaznenih djela, u prilogu dostavljamo Rješenje Vršitelja dužnosti glavnog federalnog tužitelja od 24.12.2020 godine, a kojim je vaš Zahtjev za prenošenje mjesne nadležnosti od 27.11.2020 godine odbijen kao neosnovan.

S poštovanjem,



FEDERALNI TUŽITELJ
Dragan Stupar

br. pr. : 91/20



Broj: T11 0 KTA 0003614 20 2

Sarajevo, 24.12.2020 godine

DS

U kaznenom predmetu protiv osumnjičenog Palavanthu Krishnan Naid Biju i ostalih, zbog kaznenog djela Onečišćenje okoliša iz čl.303 st.1 I i st.2 KZ FBiH, te drugih kaznenih djela, povodom zahtjeva oštećenog i podnosioca kaznene prijave Udruženja "Eko Forum" Zenica za prenošenjem mjesne nadležnosti sa Kantonalnog tužiteljstva Zeničko-dobojskog Kantona iz Zenice na Federalno tužiteljstvo FBiH, temeljem odredbe čl. 20 st. 2 Zakona o Federalnom tužiteljstvu FBiH ("Službene novine FBiH", broj: 19/03 od 13.05.2003 godine), VD glavnog federalnog tužitelja donosi slijedeće

RJEŠENJE

Odbija se kao neosnovan zahtjev oštećenog i podnosioca kaznene prijave Udruženja "Eko Forum" Zenica za prenošenjem mjesne nadležnosti sa Kantonalnog tužiteljstva Zeničko-dobojskog Kantona iz Zenice na Federalno tužiteljstvo FBiH.

Obrazloženje

Federalno tužiteljstvo FBiH zaprimilo je, od strane Kantonalnog tužiteljstva Zeničko-dobojskog Kantona iz Zenice, aktom broj UGT-2/20 od 17.12.2020 godine, pritužbu podnosioca kaznene prijave i oštećenog Udruženja „Eko forum“ Zenica na donijetu Naredbu o obustavi istrage postupajućih kantonalnih tužitelja u kaznenom predmetu protiv osumnjičenog Palavanthu Krishnan Naid Biju i

ostalnih, zbog kaznenog djela Onečišćenje okoliša iz čl.303 st.1 i st.2 KZ FBiH, te drugih kaznenih djela.

Iz podnijete pritužbe proizilazi, između ostalog, da podnositelj iste predlaže da se nadležnost u ovome predmetu prenese sa Kantonalnog tužiteljstva Zeničko-dobojskog Kantona iz Zenice na Federalno tužiteljstvo FBiH. Iz naprijed navedenog razloga, Ured glavne kantonalne tužiteljice iz Zenice nije niti donio odluku po uloženoj pritužbi, već je istu proslijedio Uredu glavnog federalnog tužitelja radi odlučivanja po podnijetom prijedlogu.

Nakon razmatranja zahtjeva za prenošenjem mjesne nadležnosti, isti je ocijenjen kao neosnovan, a iz slijedećih razloga:

Odredbom čl.20 st.2 Zakona o Federalnom tužiteljstvu FBiH propisano je, između ostalog, da glavni federalni tužitelj neke predmete ili radnje iz djelokruga jednog kantonalnog tužiteljstva može povjeriti drugom kantonalnom tužiteljstvu, kao i federalnim tužiteljima.

Odredbom čl.35 st.3 ZKP FBiH izričito je predviđeno da prenošenje nadležnosti iz važnih razloga mogu tražiti sudac za prethodni postupak, sudac za prethodno saslušanje, sudac ili predsjednik vijeća, odnosno jedna od stranaka ili branitelj.

Takođe, odredbom čl.21 tač.f) ZKP FBiH definirano je ko su stranke u kaznenom postupku, odnosno da su to tužitelj i osumnjičeni, odnosno optuženi.

Isto tako, čl.40 st.4 ZKP FBiH određeno je da stranke ili branitelj mogu tražiti izuzeće samo poimenično određenog suca, odnosno predsjednika suda koji postupa u predmetu, a čl.44 st.1 ZKP FBiH da se odredbe o izuzeću sudaca shodno primijenjuju i na tužitelje.

Iz naprijed navedenih zakonskih odredbi, a dovodeći iste u međusobnu vezu, sa aspekta dopuštenosti, evidentno je, prvenstveno, da podnositelj zahtjeva nema potrebno svojstvo da bi tražio izuzeće tužiteljstva, odnosno prenošenje mjesne nadležnosti na neko drugo tužiteljstvo unutar Federacije BiH, s obzirom da u konkretnom predmetu nema potrebno svojstvo iz čl.35 st.3 ZKP FBiH.

Međutim, a bez obzira na naprijed navedeno, zahtjev je ocijenjen dopuštenim u smislu citirane odredbe čl.20 st.2 Zakona o Federalnom tužiteljstvu FBiH koja daje ovlasti glavnom federalnom tužitelju da prenese nadležnost na bilo koje drugo tužiteljstvo unutar Federacije BiH, a na koji način se, u slučaju udovoljavanja zahtjevu, izuzimaju od daljeg postupanja faktički svi tužitelji u tužiteljstvu koje je do tada postupalo u predmetu. Gore citirana zakonska odredba ne regulira bilo koje potrebno svojstvo osobe koja može podnijeti ovu vrstu zahtjeva.

Međutim, razmatrajući podnijeti zahtjev oštećenog i podnositelja kaznene prijave u meritumu, isti je ocijenjen kao neosnovan. U tom pravcu, iz podnijetog zahtjevu evidentno je da podnositelj istoga prvenstveno izražava nezadovoljstvo sa donijetom tužiteljskom odlukom, to jest Naredbom o obustavi istrage. Nadalje, podnijeti zahtjev zanemaruje potpuno činjenicu da Ured glavne kantonalne

tužiteljice iz Zenice nije još uvijek uopće niti donio odluku po uloženoj pritužbi. I konačno, podnositelj zahtjeva potpuno paušalno ističe da bi se, čak i u slučaju uvažavanja njegove pritužbe, dopuna istrage provela na način da se ne bi pravilno i potpuno utvrdilo činjenično stanje.

Iz obrazloženja zahtjeva, dakle, nije vidljiva argumentacija koja bi predstavljala bilo koji konkretan važan razlog zbog koga Kantonalno tužiteljstvo Zeničko-dobojskog Kantona iz Zenice, koje je inače stvarno i mjesno nadležno za postupanje, ne bi trebalo dalje da nastavi rad u ovome spisu. S tim u vezi, valja posebno napomenuti da nezadovoljstvo sa odlukom postupajućeg tužitelja, pri čemu takva odluka tužitelja nije niti potvrđena od strane Ureda glavnog tužitelja kao zakonita, ne može predstavljati važan razlog za prenošenje mjesne nadležnosti.

Iz gore iznijetih razloga, prijedlog oštećenog i podnositelja kaznene prijave za delegacijom kompletnog Kantonalnog tužiteljstva Zeničko-dobojskog Kantona iz Zenice ocijenjen je kao neosnovan, te je i odlučeno kao u izreci ovoga rješenja.



VD GLAVNOG FEDERALNOG TUŽITELJA

Tihomir Jurko

POUKA O PRAVNOM LIJEKU: Protiv ovog rješenja žalba nije dopuštena-čl.20 st.2 Zakona o Federalnom tužiteljstvu FBiH.

Dostavljeno:

- Kantonalnom tužiteljstvu Zeničko-dobojskog Kantona iz Zenice
- Podnositelju zahtjeva: Udruženje "Eko Forum" Zenica
- Arhiva